

NOKISÁTI KÍTI BITIBÁAMA NASAÉNOLAKAMI JE NA' ELEKTORÁLI OLÍSILIACHI 'I TZE OSÁAMI 2024-2025

JE R'EGÁ 'ILÍIWA

Je na Nokisáti ná'ti natúliwa kíti je r'egá olísipo ma nijíka nowkiwáachi oselítiri bitibánilia 'iéliwa a'lí e'nelíwachi ma-pu narékiru oselí regámti joréanachi ka jónsa, 'échi ko 'a oméruma partíro polítika batzábeka nóa anikáa wétza ko 'abóipi ka 'iélika pagótuami, jorécho ma yú'ga napawíka natúika ma, kíti 'a si nasaéroga nokiméa cintikatúra jánilia Dri. Belisária Romínke a'lí cintikatúra jorécho si wé'ala jásati bisirénsia munisipáli Okámpo munisípíochi, a'lí ma nelíawami Sistéma Estatáli Bitibáliami Nasaénolakami Nulalíachi O'ma-kayé Elektoráli Chiwáwa (SERCIEE).

TÉTALI E'NÉRIALI BITIBÁLIACHI NASAÉNOLAKAMI

Je r'egá nokisáa r'e k{iti bitibábo nasaénolakami:

E'NELIAMI B		
TÁRÁLIWAMI	NOKIWÁAMI	TÉTALI RAWÉ
Bilé	Ruwámi je pu ka níima retéwi tzi yéri nisérokami a'lí tániliwa joré ná'ti nelíwami SERCIEE	Ke seméruka 28 oktúbro 2024 bamíbali.
Okwá	Tániliwami kíti elektrónikachi jónsa rupóa	Ke seméruka 28 oktúbro 2024 bamíbali.
Bikiá	Generación y entrega de cuentas de acceso SERCIEE Machibúliami a'lí nijíliwami náti nébo SERCIEE	Ke seméruka 30 oktúbro 2024 bamíbali.
Nao	Partíro polítika biníriliwachi kíti machiméa néa SERCIEE	30 oktúbro mi 1 nobiémpo 2024 bamíbali.
Malí	Tániliwami narekiwachi kíti bitibábo	02 mi 04 nobiémpo 2024 bamíbali
Usáni	Tétali kíti nakulíwtika olábo	02 mi 04 nobiémpo 2024 bamíbali
Kitzáo	Tétali e'nelíwami 'échi tániliwami bitibáliami	05 mi 10 nobiémpo 2024 bamíbali



E'NELIAMI B		
TÁR ÁLI WA MI	NOKIWÁAMI	TÉTALI RAWÉ
Osa- nao	Napawíikili kíti go'ná katúlipo ma-pu nasaéroma r'e	05 mi 10 nobiémpo 2024 bamíbali
Kíma	Tétali tze nakulíwka oláabo nulékachi	12 nobiémpo mi 07 riciémpo 2024 bamíbali

PÍRI NIJÍSATI MA-PU JÁNILIA 'IÉLIA

Kíti retéwi 'a si tzo jáama ayuntamiénto a'lí cintikatúra je yéri ne'walé:

E'NELÍAMI A	
IKÍI SI JÁSA R'E AYUNTAMIÉNTO A'LÍ CINTIKATÚRA	
I.	Méjikocho a'wikami a'lí Chiwáwa go'ná bo, suwába 'abói kasáti.
II.	'A makói-osa-nao bamikámi ma-pu a'lí bawerániliachi.
III.	'A omebásati baweránilia, je r'egá ko, 'a ní'wisa r'e krenciáli chu'aláukami jípi si natéami ma-pu a'lí bo'ibália.
IV.	'A betélisa r'e pe usáni metzá batzá r'ekó munisípío go'ná wilibánilia, wétza ko, 'a r'egá ta ko mekabé atigué nóotzia pública niráa.
V.	Ke tási rikíritami níisa r'e pe makói bamíbali ka jónsa, binói suwé i'síkami ka, ke política níisa r'e.
VI.	Ke wa'lubéachi nótzikami ka, ni bilé i' kayé ka, wa'lubéala nulámi ka, pe a' r'egá kasáa r'e batzabé ka ku su'láasa pe bilé rawé róachi ma-pu si o'wénipo tétali ra'ítzali nijísia kampáña bo.
VII.	Ke tási amachítiami níisa r'e wétza ko 'a rewésa ma-pu regá aníi nulálíchi.
VIII.	Ke tási majistrári Elektoráli Najórlíachi l'kayé nótzami ka, wétza ko, 'a r'egá, ku su'láasa batzá r'ekó ma-pu r'egá nuláa artículo 107, taráliami 2, LGIPE go'ná bo.
IX.	Ke tási wa'lubéala bisiréti wétza ko ra'ítzali i'néjiami elektoráli je na Nulálíachi, wétza ko, 'a r'egá, ku su'láasa batzá r'ekó ma-pu r'egá nuláa artículo 100, taráliami 4, LGIPE go'ná bo
X.	Nijísia r'e Nulálíachi bilé ruwámi chu ikíi wenomília, ikíi ma bukéliwa a'lí pe tza jorécho yú'ga nijichéwia í'níli, a'lí ma bilé oselíki ma-pu ná'ti r'u ke suwé i'síkami ko r'uyá ke ma bitichíchi cho wétza ko VPMRG.
XI.	Ke tási chu'neká níisati wikáami ko'wáami nijísati 'a r'egá ma ke nijisípoami ma 'échi r'egá wachinárami níisa.
XII.	Ke tási rikíniliami nulérami níisati suwé i'síkami ka, repogáti chewagá 'échi ma neliwami, kílipi niráa ochérilíami, bitítzi netzótzali ka joréanachi ma, suwé r'egá olagáami repogáa nelíami tzatzeríka wétza ko VPMRG ma-pu si mo ka r'e.
XIII.	Ke tási rikínilia nulérami níisa r'e, kíti chi ná'ti ko wikawásati káriwala política binói nakúroala.



‘Échi partíra polítika, napawítukami elektoráli a’lí retéwi je r’egá nóorami ‘a a’náritima a’lí ‘akubárima si.

A’MINÁMI TZE WILIWÁAMI BAWERÁNILIA

Retéwi ma-pu si ayuntamiento a’lí cintikatúra jánilia ‘iélia, ‘échi ko a oméru tze siné ku jáaba, ta ko ke, su’láaki ma wilíami nísiwa.

Ma-pu tze osáami jánilia ko ayuntamiento a’lí cintikatúra, ‘échi ko ‘a bitibása r’e ma-pu go’ná jáaki.

‘Ayéna ka kíti ‘uché nasaénolakami niráa enáripo bisirénti munisipáli, ma-pu ma cítiko rigiróri ma jáaki, ‘échi ko ke tze osáami wiliwámi níima, nalí be ko ma simírokami nísiwa bisirénti munisipáli ‘échi go’ná bi, ke tási oméruma tze siné jaába cintikatúra wétza ko rigiruría tze jiyáwiti.

Retéwi ma-pu si jánilia ‘iélia ayuntamiento wétza ko cintikatúra batzabé ‘énikami, ke tási tze jáasa r’e jikáwiti nakulíwiliachi supléto niráa. Supléto níisa ko, ‘a oméru batzabé niráa jawália, nalí be ke, ‘échi ma-pu ma batzabé nirá jáaki bo.

Ke wési bo’ibáma ‘okoná kasáti, ta ko o’má kayé kawí Méjiko ke wétza ko ‘i kayé kawichíchi, w’etza ma okwánika biléana bi kawichíchi nirúami ju pa; nalí be, je r’egá níisa bilé rigiruría ‘a welárami olisúwa okoná kasáti bawerániliachi, biléana minisípiochi a’lí partíra polítika ma-pu welá batzá nijiyúrikami a’lí riwíika a’nagú ka retéwi, u’muguí ka.

A’NÁRILIWAMI RETÉWI A’LÍ ‘AKUBÁ OLÍLIWAMI

Kíti tze osáami bawerániliachi káami, sebárilía a’nárilíwami a’nagú ka jawáliami nasaénolakami cintikatúra a’lí bisirénsia munisipáli je r’egá natúisa r’e pa:

a) Ma-pu ré ko 'échi partíra polítika nóoka jawása nasaénolami obópi ka, jé na ko 'a níisa ré chópi yéri bi níiliki nasaérokami bawerániliachi sinéala.

b) Ma-pu r'e ko 'a bo'ibokami níisa biléa napawítuka 'éniliwami wétza ko bilé nasaénolakami bawerániliachi sinéala a'lí 'échi tze ku bo'ibása je na tze osáami olísiliachi elektoráli, 'échi partíra polítika 'ikíi si mo ka r'e 'a jawáma chópi yéri retéwi ma-pu yéri níili bawerániliachi sinéala.

c) Ma-pu r'e ko 'échi partíra polítika 'a nasaérika nokákachi 'abóipi ka bawerániliachi sinéala a'lí jorécho yú'ga nakúrika simánilia 'iélia je na tze osáami baweránilichi je r'egá katúisa r'epa:

- i. Ma-pu r'e 'échi partíra polítika napawíka nakúrigami 'a uchéki bawerániliachi sinéala, nulelíwa kíti jawáma bilé kasáti chópi yéri napawítuachi kíti bo'ibáma osáami bawerániliachi elektoráli.
- ii. Ma-pu r'e 'échi partíra polítika napawíka nakúrigami 'a uchéki bawerániliachi sinéala, nulelíwa kíti jawáma bilé kasáti u'mukí chópi napawítuachi kíti bo'ibáma osáami bawerániliachi elektoráli.

a) Ma-pu r'e ko 'échi partíra polítika 'a welákachi nakúrikami ka bawerániliachi sinéala a'wénili simánilia 'iélia je na tze osáami baweránilichi je r'egá katúisa r'epa:

- i. Ma-pu r'e ko 'échi kasáti 'a bilé nakúrikami jawáruami níisa a'lí u'mukí chópi ka, ne' je r'egá oláma ku 'échi partíra polítika.
- ii. Ma-pu r'e ko 'échi kasáti 'a bilé nakúrikami jawáruami níisa o'chéi chópi ka, 'échi partíra polítika 'a oméru che i'séni nakulíwtia nasaénolakami jáwa r'ua.

Sinéwi chótali ma-pu si nasaéroma ayuntamiento niráa je r'egá nokisáa r'e:

- a) 'Échi kasáti nasaénolami (batzabé ka a'lí suplénto) chópi yéri níisa r'e.
- b). Ma-pu r'e 'échi nasaénolami batzabé ka rejói níisa, suplénto ko a oméru mukí upábémi níkúrami níráa uchélía.
- b). 'Échi chótali 'a 'uchúchirami níima 50% nasípa si u'mukí.
- e). Sinéami kasáti a nawisúlitami níisa r'e kítí a'náripo u'mukí a'lí o'chéi, chótika ma-pu bisirénti munisipáli ka jónsa.

'Échi rigiruría nachuwíliami ko je r'egá nokisáa r'e:

- a) 'Échi kasáti nasaénolami (batzabé ka a'lí suplénto) chópi yéri níisa r'e.
- b) Ma-pu r'e 'échi nasaénolami batzabé ka rejói níisa, suplénto suplénto ko a oméru mukí upábémi níkúrami níráa uchélía.
- c) 'Échi osétami ko 'a 'uchúchirami níima 50% nasípa si u'mukí ma-pu batzá uchúma.
- a) 'Échi osétami ko 'a chótama si'núala retéwi ma-pu chótairu batzabé bilé kasáti. 'A r'egá ma, 'échi jawálimi batzábe níráa osétami 'a mo kayáa r'e u'mukí jawália, ta ko mukí chotárilía sinéwi rigiruría. Je r'egá ma níisa, a'nárika mo'ásipo tze aminábi kasáti osétachi.
- b) Batzé r'ekó nírásilia osétiwachi jawásipo u'mukí chópi nawisúlitika, je r'egá ko, ke ne'waleká ma-pu r'egá nulalíwa a'náriwa retéwi. Je r'egá anirúami ko ke tási chi r'egá olílipo ma-pu go'ná o'chéi chópi ju.

Cintikatúra kasáti je r'egá katúisa r'e:

- a). 'Échi kasáti nasaénolami (batzabé ka a'lí suplénto) chópi yéri níisa r'e.
- b). Ma-pu r'e 'échi nasaénolami batzabé ka rejói níisa, suplénto ko mukí níisa r'e.



Ayuntamiénto kítira ko, cintikatúra ko 'a taráarami níima kítí a'náritipo retéwi je r'egá jániliami.

Ma-pu r'e ko joré retéwi tze joréami ko r'usáa ta ko ke ma r'egá oséeru sinéwi newáarachi oselítí ákta, 'a nóoka olíbo ma-pu binói 'eláa nilía aníi 'échi retéwi. Je na nasaénolakami ko 'a chapirúami níima kítí a'náritipo retéwi. Je ra'ítzali ko 'a ruyeká oláabo elektoráli niráa jáwami ma-pu sinéwi bitibália:

Retéwi ke mukí ni bilé rejói ko r'usáa 'échi ko 'a oméruma kayétua, ma-pu go'ná o'chéi rewalá u'chúchilia. 'Échi jósa be, ke tási karíam mo'iyá ma-pu go'ná u'mukí u'chúchilia. 'Abói ruméa sinéwi bitíba chu r'egá i'níliá u'mukíkami rejóikami ma.

'A olílipo bilé nakulíwiliami táníiwami nasaénolakami, ma-pu r'e ko 'échi chópi ku 'uchénilia, we la ko nakulíwali pe o'chéi bi 'uchúchirami níisa, u'mukí kasáti kítira.

'Échi partíra polítika, nakúrikami a'lí 'abóipi ka jániliami ma-pu 'a ro'áki chótali ayuntamiénto niráa Okámpochi, á tasa r'e kítí 'akubá olílipo jiwérali osétipo bilé kasáti retéwi chópi.

Kítí 'a machibóa pe tza retéwi ka bile, pe ma-pu a'lí bo'iba oselíchi chi r'egá rusáa bi ju. A'lí ma, 'a nijísa r'e je yéri:

a) Bilé oselíki ma-pu retéwi aníi je yéri anisá r'e:

- i. Kúmi ka póblo chéami ka, kabú jónsa a'lí kúmi yéna káachi ma-pu go'ná napawítulia.
- ii. Pe tza ralámuti ra'ítzami ka, a'lí chu yéri;
- iii. Chu oláa chi r'egá ko r'u binói 'échi póblo chégami; a'lí
- iv. Chu r'egá tze pe aminábi chéri suwába ikíi nirú 'échi goná kípú póboloachi.

b) Bilé oselí wabé r'igá natéami i'sélikami nejáala kípú póbolo jáwami ma-pu go'ná jónsa wilibánali, je r'egá ma natéami nerárima:

- i. I'sélikami
- ii. Retéwi napawíkiliachi.
- iii. I'sélikami jáwami ma napawíkiliachi.

Go'ná oselíchi rupóá kabú jónsa kayenáru chi yéři oselí (ke tási seméruša r'e usáni metzá ma-pu si bo'ibánilia) rewalá, oséruami, makúsuala rachínakami, wétza ko, sello a'lí píri wilíami jú ma-pu chi yéři oselí nejáa, kúmi r'egá betéa, ra'itzáliamtiri taráala kúmi go'ná ra'ítzipo, a'lí ma animéa chu oláa je r'egá natúliwa ilíliwa 'échi retéwi ma-pu si nasaénola r'uká 'iyéni bo 'échi go'ná póblo komuniráchi ma. Nakulíwiniliwa chi yéna natéami niráliwa je yéři 'a sébali ruméa 'échi partíra polítika a jaré ma oselí uhegá nijíma.

'Échi kasáti ma-pu go'ná retéwi mo'isá r'e pe chópi yéři níima go'ná ma e'peréami bo.

Ke je r'egá oliwáa a'nárilia 'akubá olilíwa ma Sekretaría Ejecutíbo ruyérami níima, kíti ko 'échi binói nótziga, ma-pu r'e 'a r'egá oliwáami níisa ko, ra'ítzali 'uchébo ma-pu chi r'egá ma mu r'egá oláa simí ba.

TÁNILI NIJÍWAMI

Bo'ibálimi níima r'e **2 mi 4 rawé metzá nobiémpo 2024 bamíbali**, e'néalichi negáa SERCIEE a'lí pe 'échi bi níima káriwami bo'ibáliami nakulíwiliami ma.

'Échi bo'ibáliwami taníwami ko ne' ma-pu r'egá aníwa Nokisáti go'ná níisa r'eam ko, suwába ma oselí nijíwami ma.

Cintikatúra nasaénolakami Dri. Belisária Romínka a'lí Okámpo 'a bitibáma kasáti bilé batzabé ka a'lí suplénto niráa nikúrami upámi 'échi ko.

'Échi nasaénolakami ayuntamiento niráa Okámpochi chótali niráa bitibáma, bilé bisirénti batzá, rigiruría nijiyúrikami a'lí osétami rigiruría nachuwíliami, sinéami suplénto 'uchúchirami níisa r'e.

02 mi 06 rawé metzá nobiémpo 2024 bamíbali, retéwi nasaénolakami 'iéliami 'a oméru ra'ítzali pásia retéwi ma-pu bawerániliami ju, pe batzá r'ekó risénsia táaka.



É'NELIWÁMI SUWÁBA BITIBÁLIAMI TANÍWAMI

5 mi 10 rawé metzá nobiémpo 2024 bamíbali 'échi Nulaliáchi e'néma suwába tánili narétuami SERCIEE go'ná bo, ma-pu nejáki partíra polítika a'lí nakúrika napawítukami elektoráli r'uká.

SAYEKÍWAMI ANELÍWAMI

Ma-pu r'e ko ke sébali nijísiwa, Bisirénti go'náchi anéma 'échi partíra polítika wétza ko nakúrikami elektoráli r'uká, kíti ku a'lánima ma-pu rowélisimi wétza nakulíwika i'sima nasaénolakami weláa, **ke seméroka naósa-makói-osa-nao hora**. Ma-pu r'e ke nejéeka nokáa, tze osáami anébo a'lí 'upáa ko ma 'a r'egá nokiméa Natúili aníachi.

'ÉCHI R'UKÁ VRPMRG

Oselíki ma-pu 'a aní ma Ke tási wikáami rúraami ka, ke bilé o'wéritami ka suwé olagáami repogátiri chewáa, kilípi semelía si nokisáti negáa kíta repogála, benésati ma chu yéri kíta repogá ná'tali si r'u, bititzí nekókami netzótzali ka ma, ke riwília repogá wétza ko VPMRG ma-pu si mo ka r'e, Ke rikiritami nulérami ka kíti wikawáma wétza ko e'lí binói nikúroala polítiko niráa; je yéri kámi:

- a) Bochiwiliami RC-02BP;
- b) Oselítiri ma-pu Rigístro Estatáli Retéwi Wikáami Ko'wámi Nijísati Chiwáwa go'ná kayámi, a'lí
- c) Oselítiri ma-pu nijíjala ju Jiskalía Jineráli O'má-kayé Chiwáwa nótzami, ma-pu go'ná aní ke suwé síkami ka.



NASAÉNOLAKAMI SI'NÚTIWA A'LÍ KE MÉWILIA

‘Échi tánili tze si'núala ‘uchelíami nasaénolakami pe e'nelíachi osiwámi r'usá r'e SERCIEE negáa.

Na'ómilia wétza ko si'núala'uchelía nasaénolakami, ma-pu r'e ko ma kayenásiwa oselítiri ná'ti baweránilia, ‘a ka si'nútiwa, ma-pu r'egá nuláma ‘échi Ra'ítzali l'néjami.

Ma-pu r'e ke me'wisiwa nasaénolami ka, retéwi ma mo ka r'e, ‘a nijísa r'e bilé r'uwámi ma-pu go'ná aníi ke mé'wa nasaénolakami r'uká binói rewalá oseká newáma, chériga má Nulalíachi a'lí joréchi ‘échi go'ná notzáriliami, ma-pu si mo ka r'e Nulalíachi ‘a ‘oménilia chi yéri kayéntia oselíki, tétika naósa makói osá nao hora ma jónsa nejáarachi ke mé'wiliami. Ma a'lí tze, partíra polítika joré cho ma nakúrika é'nami elektoráli r'uká ‘a ikíiripo kíti si'nútima.

REWÁLATIRI TIBUKÍAMI

Ma-pu si jiwérali mo ka r'e je na nokisáti nuláala we' ga'lá tibúsa r'e suwába rewalátiri chapirúami kíti ke wikáma, rimúkipo, seméripo a'lí jorécho pe chu'wé e'néma.

Ma-pu r'e ko suwé oliwáa tibukíami rewalátiri ‘a o'wéritami níima ma-pu r'egá nuláa Nulalí Elektoráli.

‘Échi Nulalíachi ‘a rumé chi yéri tibukíami negáa internétchi go'ná bo:

https://ieechihuahua.org.mx/_avisos_de_privacidad

